

BIZNESDA SO'G'LOM RAQOBAT VA INQIROZDAN CHIQISH YO'LLARI

Ilmiy rahbar:
Xusainov Sh.A
i.f.n., dots.

Odinayev Bahrom Mirzobobirovich
Biznes va tadbirkorlik oliy maktabi magistranti

Annotatsiya: *Mamlakat iqtisodiyotining raqobatbardoshligini oshirish, sanoat korxonalarining bankrotlik sabablarini chuqur o'rganish hamda bankrotlikni oldini olib, o'z vaqtida bartaraf etishdan iborat. Har bir korxona uchun raqobat kuchayishi sharoitida o'zining raqobatbardoshligini saqlab qolish va oshirish vazifasi birinchi o'ringa chiqadi. Mazkur maqolada korxonalarni moliyaviy-iqtisodiy qo'llab-quvvatlash, sog'lomlashtirish va rag'batlantirish mexanizmlari, iqtisodiyotni modernizatsiya qilish sharoitida iqtisodiy nochor korxonalarni rag'batlantirish masalalari ko'rib chiqiladi. Raqobatbardoshlikni o'rganish mikroiqtisodiyotning asosiy tamoyillari, sanoat iqtisodiyoti va sanoat bozorlari iqtisodiyoti, birinchi navbatda, xo'jalik yurituvchi sub'ektlarning xatti-harakatlari va sanoat tashkilotining xususiyatlari bilan bog'liq bo'lgan bilimlarni nazarda tutadi.*

Kalit so'zlar: *bankrotlik, moliyaviy sog'lomlashtirish, innovatsion sanoat siyosati, bankrotlik instituti, restrukturizatsiya, bozor kontsentratsiyasi, vertikal model, gorizontal model.*

KIRISH

XXI asr barcha sohalar qatori iqtisodiyotda ham globallashuv, raqobatning subyektlararo darajasidan xalqaro darajaga ko'tarilganligi, hisob-kitob tizimining jahon miqyosida bir xil andozaga keltirilayotganligi, zamonaviy biznes qoidalarining tez o'zgarishi kabi keskin jarayonlarning sodir bo'lishi bilan boshlandi. Yuz berayotgan o'zgarishlar va jarayonlar axborot tizimini takomillashtirishga, dunyo miqyosida iqtisodiyotni boshqarishning bir-biriga o'xshash va muvofiq keladigan tizimining shakllanishiga olib kelmoqda. Dunyo ahli Internet orqali bir-biri bilan cheklanmagan tarzda muloqot qilmoqdalar. Bu esa, o'z navbatida, odamlardan ham tezkorlikni, ham axborotlardan tez xulosa chiqarib, zudlik bilan boshqaruv qarorlarini qabul qilishni talab qilmoqda. Ayni paytda xuddi shunday talablar iqtisodiyotda xo'jalik yurituvchi subyektlarga ham qo'yilmoqda. Aynan ushbu muammolarni hal qilish xo'jalik yurituvchi subyektlar, uning asosiy bo'g'ini bo'lgan korxonalar faoliyati iqtisodiy tahlilini takomillashtirishni, uning tezkorligini ta'minlashni taqozo etmoqda. Iltimos amaliyotida erkin iqtisodiy munosabatlarni yo'lga qo'yishning yagona modeli sifatida tan olingan bozor iqtisodiyoti avvalo chuqur tahliliy va ilmiy asoslangan yechimlarni talab etadi.

Firma va kompaniyalar iaolligi hamda ularning ish samaradorligini ta'minlash iqtisodiyotni globallashuvi sharoitida har qachongidan ham murakkab hodisa va jarayonga aylanadi. Shu jihatdan, har bitta korxona faoliyati uning moliyaviy holati, to'lovga qodirligi hamda moliyaviy barqarorligini aniqlashda tahliliy amallarga bo'lgan ehtiyoj va zaruriyatda muammolar yechimini chiqarish yanada murakkablashadi. Ayniqsa, jahon moliyaviy-

iqtisodiy inqirozining yuzaga kelishi hamda uning barcha davlatlarni qamrab olishidan ham ko'rish mumkinki bugungi iqtisodiyot o'ta murakkab iqtisodiyot, uni bir davlat doirasidagi siyosat, yoki amaliy yechimlar bilan hal etish mumkin emasligi, masalaga keng qamrovli tarzda yondashuvni 3 talab etadi. Ya'ni, har bir davlat yoki unda faoliyat yuritayotgan korxona, jahon iqtisodiyotining ajralmas bo'g'iniga aylanib ulgurgan deyish mumkin. Chop etish yoki taqdim etish orqali oshkor etiladigan moliyaviy hisobotlardagi ma'lumotlarni o'rganish, tahlil qilish va tushunish qiyin bo'lmaydi, qachonki ushbu hisobotlar bir xil qoida va tamoyillar asosida tuzilgan bo'lsa. Shu ma'noda yuqoridagi ta'kidlarni aynan o'rinli deyish mumkin. Negaki, agar turli davlatlardagi korxonalar tomonidan tuziladigan moliyaviy hisobotlarni ham buxgalterlar va analitiklar tomonidan hech qanday qiyinchiliklarsiz tushunishlari mumkinligini nazarga oladigan bo'lsak, bu qarash juda sodda qarash bo'lar edi. Agar shunday bo'lganda, moliyaviy hisobotlarni o'rganish va tahlil etish orqali barcha muammolar o'z-o'zidan hal etilgan yoki oldi olingan bo'lar edi. Korxonaning manzili, erishgan natijalari, muammolari moliyaviy holati haqidagi axborotlarda (moliyaviy hisobotlarda) aks etgani bilan aslida muammolar yechimi uning quyi bo'g'inlarda ekanligini esdan chiqarmaslik lozim. Bozor iqtisodiyoti sharoitida bankrotlikka yuz tutmaslik va yashab qolishga harakat mavjud moliyaviy resurslarlarni boshqarishni yaxshi bilishni, kapital tarkibini va tashkil topish manbaalarini shakllantirishda moliyaviy mustaqillikni (o'z va qarz mablag'lari ulushini) to'g'ri nisbatlashni, eng muhimi samarali va natijali ishlab chiqarishni, tijorat va moliyaviy faoliyatini yo'lga qo'yishni talab etadi. Korxonalar moliyaviy holatini tahlil etishning amaldagi an'anaviy holati biznesning bugungi kun talabida takomillashtirish, metodologik yangiliklar bilan boyitish, aniq qoida va normalarni ishlab chiqish hamda amaliyotga joriy etish, obyektivlikning istiqboldagi darajalarini bashoratlash mumkin bo'lgan analitik jarayonlar tizimiga aylantirish lozirn. Bugungi moliyaviy holat tahlilida ko'proq tashqi ta'sirlardan himoya etish (inflyatsiya, kontrigentlar bilan aloqalar mustahkamligi, mulkiy va huquqiy shakllarning o'zgaruvchanligi kabi) masalalarini qamrab olgan kompleks yondashuvlarga, modellarga tayanish lozim. Moliyaviy holat tahlilini bozor iqtisodiyoti sharoitiga mos shakli aktivlar, kapital va majburiyatlarning tarkibiy hamda dinamik o'zgarishlarini, korxona faoliyat natijaviyligini va xarajatlar tarkibini, to'lovga qobillik va moliyaviy barqarorligini, kapital aylanuvchanligini, rentabellik va bozor aktivligini ko'rsatkichlar tizimida shunday baholay bilishi lozimki bu harakat biznesni samaradorligini aniq ko'rsata bilsin va istiqbolda uni o'stirishning aniq yo'llari bor.

Bugun, dunyoning barcha davlatlarini u yoki bu darajada qamrab olayotgan jahon moliyaviy-iqtisodiy inqirozi xo'jalik yurituvchi subyektlar oldiga nafaqat ichki muammolar haqida qayg'urishini, balki ko'proq tashqi muammolar ta'siridan himoyalaniishini ham talab etmoqda. Afsuski, yuz berib bo'lgan jahon moliyaviy - iqtisodiy inqirozi albatta o'z ta'sirini o'tkazmasdan qolmadi. Shuningdek, undan qutilib qolishning ham imkoni yo'q. Bu borada faqat, uning ta'sirini yumshatish, Yo'qotishlar va iqtisodiy jabrlarni imkon qadar kamaytirish choralari ko'rish lozim. Inqirozga yuz tutgan korxonaning holati ham aynan shunday, faqat yuqoridagi jihatdan o'zining ko'lami, darajasi bilan farq etadi xolos. Ya'ni, korxona inqirozga yuz tutmaslik haqida, ko'proq inqirozgacha bo'lgan jarayonda qayg'urishi lozim. Bozor iqtisodiyoti sharoitida korxonalarning inqirozga yuz tutishi va sinishi tabiiy ho'l sanaladi. Kimki uning shartlari, qoidalari asosida harakat qilmas ekan bu ho'l albatta muqarrar

hisoblanadi. Korxonalar faoliyatidagi inqiroz belgilarini ko'rsatib beruvchi barometr mavjud emaski doimo uning ko'rsatkichi kuzatib turilsa. Bu holat, xo'jalik moliyaviy faoliyati haqidagi reallikni rasmiy tuziladigan va chop etiladigan moliyaviy hisobot ma'lumotlari asosida tizimli tahlil etish orqaligina bilinadi, o'rganiladi xolos. Korxonada inqiroz belgilar mavjud emas, inqirozning xavf-xatari bor, inqirozli holat mavjud deb xulosa qilish biznesda doimo boshqaruv apparatining e'tiborida turuvchi masaladir. Korxonalar moliyaviy holatidagi tanglikni ham xuddi yuqoridagi holatga qiyoslash mumkin. Aslida, inqirozning bosh sababi ham korxonalar moliyaviy holatidagi ushbu tanglikka borib taqaladi. Lekin asli, tanglikning sababi va yechimlar moliyaviy holatda emas balki ko'proq subyektlarning ishlab chiqarish faoliyatining quyi bo'g'inaridadir. Moliyaviy holatda esa ushbu holat oyna singari aks etadi xolos. Yechimi unchalik oson bo'lmagan bunday holatda korxona egalari ko'pincha mustaqil maslahatchilarga va analitiklar yordamiga ehtiyoj sezadilar. Negaki, korxonalar moliyaviy holatidagi tanglikni, inqirozni mo'jizaviy formula asosida yoki shunchaki hoxish-istak bilan hal etib bo'lmaydi. Bugungi kunda tobora doirasi kengayib borayotgan jahon moliyaviy-iqtisodiy inqirozi ham korxonalar moliyaviy holatiga sezilarli ta'sir o'tkazmoqda. Respublikamizda jahon moliyaviy-iqtisodiy inqirozi ta'siridan ko'riladigan talofatlarni imkon qadar kamaytirish va korxonalarni hamda davlatimizni uning ta'siridan saqlab qolish yuzasidan hukumatimiz tomonidan inqirozga qarshi choralar dasturining ishlab chiqilganligi va uning izchil amalga oshirilishi natijasida aytish mumkinki (xalqaro ekspertlarning ishonchsizlik 10 va mensimaslik bilan qarab kelishiga qaramay) bunga to'la barham berildi va berilmoqda deyishga asoslarimiz yetarli. Inqirozlar sharoitida korxonalar moliyaviy holatini tahlil etishning ahamiyati har qachongidan ham dolzarb va muammoli ahamiyat kasb etadi. Negaki barcha yuz bergan holatning asosiy sabablarini va mavjud tanglikdan chiqishning yo'llarini bilishni xohlaydi. Jahon moliyaviy-iqtisodiy inqirozi har doimgidan ham ekspert, tahlilchilar oldiga o'ta murakkab vazifalarni qo'yadi. Natijada, kasb egalari va ularning xizmat funksiyalariga bo'lgan zaruriyat har qachongidan ham yuksak darajaga ko'tariladi. Korxonalar moliyaviy holatiga tashhis qo'yish va uni sog'lomlashtirishning aniq chora-tadbirlarini ko'rish aslida makro ko'lamdagi barqarorlikni ta'minlashning ham muhim omili hisoblanadi. Shu sababli, yuzaga kelgan holatda birinchi navbatda korxonalarni moliyaviy sog'lomlashtirish va ularning kelgusida barqaror o'sishini ta'minlash chora-tadbirlarini ko'rish lozim. Inqirozning siklik jarayonlari bilan olimlar 100 yillar davomida shug'ullanib kelgan. Lekin shunga qaramay uning jozibadorligi, doirasining kengayishi, shakllarining xilma-xilligi nasalaga doimo turlicha yondashuvni talab etadi. Galdagi, jahon inqirozi (moliyaviy-iqtisodiy) sababi ko'proq ipoteka kreditlarini berishdagi tanglik holati bilan izohlanadi. Uning aniq sabablari yuzasidan Respublikamiz Prezidenti I.A.Karimovning «Jahon moliyaviy-iqtisodiy inqirozi, O'zbekiston sharoitida uni bartaraf etishning yo'llari va choralari» nomli asarida batafsil izohlar berib o'tgan. «Hech kimga sir emaski, bugun keng tarqalib borayotgan jahon moliyaviy inqirozining asosiy sabablaridan biri-bu banklar likvidligi, ya'ni to'lov qobiliyatining zaifligi bilan bog'liq muammaning keskinlashuvi, kredit bozoridagi tanglik, sodda qilib aytganda, pul mablag'larining yetishmasligi bilan izohlanadi). Ko'plab davlatlarning tashqi qarz masalasidagi puxta o'ylanmagan siyosati ham ularning iqtisodiyotini zaif, tashqi omillarga qaram, xatarli vaziyatlar oldida himoyasiz va nochor ahvolga solib qo'ygandligini ham alohida ta'kidlash lozim. Shu bilan birga aytish joizki inqiroz yuzaga

kelgan va undan ko'proq jabr ko'rayotgan davlatlarda yalpi ichki mahsulotning 80 foizga yaqin qismi xizmat ko'rsatish sohasida (asosan moliyaviy sektorda) yaratilganligiga nazar soladigan bo'lsak, moliya sektori iqtisodiyotni lokomotivi, uni harakatga keltiruvchi kuchiga aylanganligini, uning izdan chiqishi esa butun iqtisodiyotni izdan chiqarishi ham mumkinligini izohlash mumkin. Bugungi jahon moliyaviy-iqtisodiy inqirozini asli ildizi ham shunda. Ushbu sektorda, juda ehtiyotkor va puxta o'ylangan siyosat borish lozim.

XULOSA

Jahon moliyaviy inqirozidan imkon qadar tez chiqish, uning oqibatlarini yengillashtirish ko'p jihatdan har qaysi davlat doirasida va umuman, dunyo hamjamiyati miqyosida qabul qilinayotgan chora-tadbirlarning qanchalik

samaradorligiga, ularning bir-biri bilan uyg'unligiga bog'liql. Shuningdek, O'zbekiston Respublikasi Prezidentining 28.11.2008-yildagi N:14058 «Iqtisodiyotning real sektori korxonalarini qo'llab-quvvatlash, ularning barqaror ishlashini ta'minlash va eksport salohiyatini oshirish chora-tadbirlari to'g'risida»gi farmoni²ga muvofiq quyidagilar jahon moliyaviy-iqtisodiy krizisining salbiy oqibatlarini bartaraf etishning hal qiluvchi omillari sifatida belgilangan: eng avvalo iqtisodiyotning bazaviy tarmoqlarida modernizatsiya, texnik va texnologik qayta jihozlash jarayonlarini faollashtirish, sifatli, eksportga yo'naltirilgan raqobatbardosh mahsulotlar ishlab chiqarishni ta'minlaydigan zamonaviy moslashuvchan minitexnologiyalarni tatbiq etish; ichki va tashqi bozorlarda mamlakatimiz ishlab chiqaruvchilari mahsulotlarining raqobatbardoshligini yanada oshirish, eksport qiluvchi korxonalar tomonidan yangi tovarlar turlarini sotish hajmlarini kengaytirish hamda mahsulot sotishning istiqbolli bozorlarini o'zlashtirish; iqtisod qilishning qattiq tartibini joriy etish, jumladan. texnologik jarayonlarni ratsionalizatsiyalash, ishlab chiqarishda materiallar, elektr va energiya sarfini hamda boshqa sarf-xarajatlarni kamaytirish hisobiga ishlab chiqarish xarajatlari va mahsulot tannarxini keskin kamaytirish; texnik va ishlab chiqarish intizomiga rioya qilish, mahsulot sifatini boshqarishning xalqaro standartlarini tatbiq etish; moslashuvchan narx-navo siyosatini amalga oshirish, jahon bozorlarida narx-navo konyunkturasi tez o'zgarib borayotgan sharoitda eksport mexanizmlarini takomillashtirish.

ASOSIY ADABIYOTLAR:

1. Karimov I.A. «O'zbekistonning istiqbolining siyosiy-iqtisodiy asosiy tamoyillari». T.; «O'zbekiston» 1995.
2. Karimov I.A. «O'zbekiston: milliy istiqbol, iqtisod, siyosat, mafkura». T.; «O'zbekiston» 1996.
3. Karimov I.A. «O'zbekiston iqtisodiy islohotlarni chuqurlashtirish yo'lida». T.; «O'zbekiston» 1996.
4. Karimov I.A. «O'zbekiston buyuk kelajak sari». T.; «O'zbekiston» 1998.
5. Karimov I.A. «O'zbekiston XX1 asr

-
- | | |
|---|---------------------------------------|
| bo'sag'asida: | xavfsizlikka |
| tahdid, barqarorlik shartlari va taraqqiyot kafolatlari». T.; «O'zbekiston» 1997. | |
| 6. Karimov I.A. «O'z kelajagimizni o'z qo'limiz bilan qurmoqdamiz». T.; «O'zbekiston» 1999. | |
| 7. Karimov I.A. «O'zbekiston XXI asrga intilmoqda». T.; «O'zbekiston» 1999. | |
| 8. Karimov I.A. «Iqtisodiyotni erkinlashtirish – farovonlik poydevori». T.; «O'zbekiston ovozi» gazetasi 2000 yil, 22-iyul. | |
| 9. Karimov I.A. «Ozod va obod vatan, erkin va farovon hayot pirovard maqsadimiz». T.; «O'zbekiston» 2000. | |
| 10. O'zbekiston
«Buxgalteriya
to'g'risida»gi | Respublikasining
hisobi
Qonuni. |